



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 121. Alia Septimi Canonis formula proposita.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

tamen ea minus placebat; querebantur enim, quod Hispanæ Nationis Præfulibus nimium indulgeretur, ac aliunde prima hujus Canonis pars nimis ampla, altera vero circa Episcoporum potestatem nimium restricta foret. Verum prudentiores Viri ceterorum difficultates spernere, quam litigare malebant: quapropter ambo Patriarchæ Jerosolymitanus ac Venetus Italorum Præsulum nomine ita respondebant: Hispanis placandis detur opera, sique hi acquiescent hujus Canonis formæ, tunc nos quoque ex pacis desiderio eum recipiemus; sin vero decertandum esset, perspicuam clarioremque expetimus: Attamen Hispanorum animi a Petro Soto tentati, nequaquam se faciles exhibere; rejiciebat enim præprimis Granatensis Archiepiscopus ea verba, *in partem sollicitudinis*, quippe hic certum non esse, contendebat, quod Episcopi a Christo Domino per summum Pontificem eius Vicarium suam potestatem accipiant.

Sæc. XVI.
A.C. 1562.

§. CXXI.

Alia septimi Canonis formula proposita.

Sciripandus Legatus, cum ob adversam valetudinem nuperis Conventibus interesse præpediretur, vix com-
 H h 2

*Pallav. l. 18.
c. 16. n 7.
Atq. Paleot.
& Lit. Le-*

Sæcul. XVI.
A C. 1562

gat. ad
Borrom.

5. Nov. &
Fuscar. ad
Moron. 3. &
5. Nov.

perta hujus Canonis norma mox illam veluti ambiguum, sinistrisque interpretationibus obnoxiam rejiciebat, in eandem quoque omnino diversam cepebat ab illa, quæ transmissa erat Pontifici, qui suos Legatos jam antea monebat, ut ab omni verborum ambiguitate, quæ in deteriorem sensum detorqueri posset, sedulo abstinerent: novum ergo hujus Canonis exemplar proponere necesse erat, his verbis conceptum: *Anathema sit, si quis dixerit, non fuisse institutum a Christo, ut in Ecclesia Catholica sint Episcopi: ipsorum cum assumuntur in partem sollicitudinis a Romano Pontifice, ejus Vicario in terra non esse veros, ac legitimos Episcopos superiores Presbyteris, nec habere eandem dignitatem, eandemque potestatem, quam hactenus obtinuerunt.*

Vix nova hæc forma fuerat concepta ac proposita, cum illico desuper Patrum sententiæ rogarentur, quod longum temporis intervallum depulcebat: & tamen Granatensis Archiepiscopus suæ opinioni pertinaciter inhærens negabat, Episcopos a summo Pontifice vocari *in partem Sollicitudinis*, affirmabatque, eosdem esse Christi non Pontificis Vicarios.

§. CXXII.